



Broj: 04-40-1-325/24
Sarajevo, 21.11.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 20.11.2024. do 08:30 sati 21.11.2024. godine

Štab civilne zaštite Kantona Sarajevo (u daljnjem tekstu: Štab) je dana, 20.11.2024. godine održao redovnu sjednicu na kojoj je između ostalog, razmatrano stanje na području Općine Stari Grad Sarajevo prouzrokovano pojavom klizišta i povećanom opasnosti od izlivanja Bistričkog potoka na lokacijama Bostarići (tzv. Curine njive) i Buguševac uslijed gradnje stambeno-poslovnog kompleksa „Trebević-Hilis“ na području entiteta Republike Srpske, kao i Izmjene i dopune Plana evakuacije i zbrinjavanja stanovništva, broj: 12-40-222-96/24 od 06.11.2024. godine Općinskog štaba civilne zaštite Stari Grad, te Izmjene Plana prihvata evakuisanog stanovništva i materijalnih dobara sa ugroženih područja Općine Strai Grad Sarajevo, MZ Širokača, ulica Bostarići i Ablakovina, broj: 17-40-93-2/24 od 14.11.2024. godine Općinskog štaba civilne zaštite Centar Sarajevo.

Na osnovu navedenih dokumenata, Štab je donio Naredbu o izmjeni Naredbe Štaba, broj: 08-40-1128-2/24 od 01.11.2024. godine, kojom se ista usklađuje sa Izmjenama i dopunama Plana evakuacije i zbrinjavanja stanovništva Općinskog štaba civilne zaštite Stari Grad i Izmjenama Plana prihvata evakuisanog stanovništva i materijalnih dobara sa ugroženih područja Općine Stari Grad Sarajevo, MZ Širokača, ulica Bostarići i Ablakovina Općinskog štaba civilne zaštite Centar Sarajevo.

Štab je na sjednici također, razmotrio akt Stručne službe Vlade Kantona, kojim je Štabu i Upravi dostavljen akt Stručne službe kabineta Općinskog načelnika Stari Grad Sarajevo (kojim se Općina Stari Grad Sarajevo obratila zahtjevom Premijeru Kantona i Vladi Kantona da poduzmu sve potrebne korake kako bi se obezbijedile adekvatne stambene jedinice za evakuisano stanovništvo na duži vremenski period) na nadležno postupanje, te u vezi istog pripremio akt Stručnoj službi Vlade Kantona – Odgovor na zahtjev Općinskog načelnika Općine Stari Grad Sarajevo za hitno obezbjeđenje smještaja za stanovništvo.

S obzirom da od strane Federalnog štaba civilne zaštite, Štab nije dobio izvještaje po zaključcima koji se odnose na aktivno klizište na području Općine Stari Grad Sarajevo na lokalitetima Curine njive i Bistrički potok, Štab je pripremi akt Federalnom štabu civilne zaštite – Urgenciju za hitno postupanje

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana 20.11.2024. godine u 09:33 sati, od građanina, da su u ulici Neumska br.29 u naselju Sokolović Kolonija (Općina Ilidža) pronađene dvije ručne bombe.

-dana 20.11.2024. godine u 15:12 sati, od Policijske stanice Novi Grad, da je na brdu Žuč, pored spomenika, prilikom izvođenja građevinskih radova pronađena jedna neeksplozivna granata.

O primljenim informacijama obaviješteni su pripadnici Tima za UES Federalne uprave civilne zaštite, koji su pronađena ubojna sredstva preuzeli i zbrinuli.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su osam manjih intervencija i to: četiri intervencije na uklanjanju obrušenih stabala, jednu na gašenju zapaljenog dimnjaka, jednu na gašenju električnih kablara, jednu na gašenju zapaljenog automobila i jedno obezbjeđenje aerodroma.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

a) lokalitet "Curine njive" – Opština Istočni Stari Grad i Općina Stari Grad (Bostarići)

Izlaskom na lice mjesta dana 20.11.2024.godine uočeno je da su na terenu i dalje prisutne duboke pukotine te da dolazi do pojave otjecanja vode iznad lokaliteta "Curine njive-igralište" (dio Opštine Istočni Stari Grada Sarajevo). Uslijed isušivanja zemlje dolazi do pojave manjih pukotina.

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Trebević Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa padina Trebevića (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo u cilju ranog upozoravanja ugroženog stanovništva i njihove evakuacije kao i upozoravanja Općinskog štaba civilne zaštite Općine Stari Grad Sarajevo i službi zaštite i spašavanja Općine Stari Grad Sarajevo te Operativnog centra Kantonalne uprave civilne zaštite KS Operativnog Centra Općine Centar Sarajevo, Novi Grad Sarajevo i Novo Sarajevo.

b) lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana 20.11.2024.godine uposlenici Službe civilne zaštite Općine Stari Grad Sarajevo utvrdili su da se od strane Opštine Istočni Stari Grad kao hitna mjera, izvršeno mašinsko prokopavanje dijela rigola (u dužini cca 150m) te da je isti spojen na obližnji ulični propust koji služi za odvodnju vode/kišnice. Na predmetnom lokalitetu ne vrši se odlaganje nove količine zemljanog i kamenog materijala te su od strane Opštine Istočni Stari Grad postavljene table sa natpisom "strogo zabranjeno odlaganje otpada i deponovanje materijala".

Na predmetnom lokalitetu izvršeno je odlaganje betonskih cijevi koje će biti ugrađene s ciljem odvodnje površinskih voda sa mjesta nasipa/deponije na obližnji ulični propust koji služi za odvodnju vode/kišnice.

c) lokalitet Bistrički potok – Općina Stari Grad (Boguševac) i Opština Istočni Stari Grad

Izlaskom na lice mjesta dana 20.11.2024.godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije posječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo te se informacije dostavljaju dežurnom Operativnom centru.

d) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj:08-40-1128-2/24 od 01.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj:08-40-1128-2/24 od 01.11.2024.godine, uposlenici Službe za poslove mjesnih zajednica Općine Stari Grad Sarajevo su dana 20.11.2024.godine izvršili obilazak stambenih objekata i građana ulica Bostarići, Ablakovina i Ablakovina čikma, te upoznali građane o trenutnim raspoloživim smještajnim objektima u koje se predlaže evakuacija stanovništva dijela MZ "Širokača, kao i o svim daljnjim aktivnostima koje će biti poduzete od strane Općinskog štaba civilne zaštite i Službe civilne zaštite Općine Stari Grad Sarajevo u skladu sa Naredbom Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj:08-40-1128-2/24 od 01.11.2024.godine, Općinski Štabovi civilne zaštite Centar Sarajevo, Novo Sarajevo i Novi Grad Sarajevo, kao i službe civilne zaštite navedenih općina, su u toku dana 20.11.2024.godine u sklopu redovnih aktivnosti pružili neophodnu stručnu podršku Službi civilne zaštite Općine Stari Sarajevo.

Dana 20.11.2024.godine Službi civilne zaštite Općine Stari Sarajevo primila je ka znanju Naredbu Štaba civilne zaštite Kantona Sarajevo, broj: 08-40-1128-2.1/24 od 20.11.2024.godine, te će istu dostaviti Općinskom štabu civilne zaštite Općine Stari Grad Sarajevo na upoznavanje.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Park: Radnici KJKP park su u toku noći i u jutarnjim satima bili angažovani na više lokacija na području Kantona Sarajevo na uklanjanju polomljenih grana i oštećenih stabala koje su prouzrokovale snježne padavine.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 0°C, vlažnost zraka 81%, barometarski pritisak 942,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a